

BOSNA I HERCEGOVINA
TUŽITELJSTVO – TUŽILAŠTVO BOSNE I HERCEGOVINE
SARAJEVO
Broj: **KT-RZ-5/09**
Sarajevo, 12.03.2010. godine

12-03-2010
Doprinosi prava i majke
Proc. ...
KM pis. ...
... (novc, tak ...)

Optužnica R-09/0721
CYL
POTVRĐENA DANA
17.03.2010
Na osnovu člana 35. stav 2. tačka h) i člana 226. stav 1. Zakona o
krivičnom postupku BiH, podižem

SUDU
BOSNE I HERCEGOVINE
- Sudiji za prethodno saslušanje -

OPTUŽNICU

PROTIV:

PERKOVIĆ IVICE zv. „Mungos“, sin Ilije i majke Ivke rođene Vrdoljak, rođen 27.06.1965. godine u Brezicima, općina Derventa, nastanjen u Slavonskom Brodu, naselje Slavonija I broj 11, Republika Hrvatska, završio srednju poljoprivredno tehničku školu, oženjen, otac troje djece, vlasnik trgovačkog obrta „Interijer Marko“ u Slavonskom Brodu, Hrvat, državljanin Bosne i Hercegovine i Republike Hrvatske.

Što je:

Za vrijeme rata u Bosni i Hercegovini, u vrijeme oružanog sukoba između TO Bosne i Hercegovine i Hrvatskog vijeća odbrane s jedne strane i oružanih snaga Srpske Republike Bosne i Hercegovine s druge strane, kao pripadnik 103. Derventske brigade HVO, postupao protivno pravilima Međunarodnog humanitarnog prava kršeći odredbu člana 3. stav 1. tačka a) IV Ženevske konvencije o zaštiti civilnih lica za vrijeme rata ili oružanog sukoba od 12. augusta 1949. godine tako što je:

KR0109/0721
247 CRN/ REGISTROVAN + FOTOPRILIK
12-03-2010

1. Dana 26.4.1992. godine , nakon zarobljavanja od strane HVO i drugih pripadnika hrvatske vojske tzv. Riječke brigade, odvođenja i zatvaranja u prostorije Doma JNA u Derventi više od dvadeset mještana naselja Čardak, općina Derventa srpske nacionalnosti, namjerno nanosio snažnu tjelesnu i duševnu bol [REDACTED], na način što je [REDACTED] sipao sol u usta, tjerajući ga da to proguta, a potom da se tuče sa [REDACTED], pa kada nije bio zadovoljan kako se njih dvojica tuku, rekao im „ ne udara se to tako“, nakon čega je ih je obojicu pretukao, prvo šamarima, pa zatvorenim šakama dok ih nije srušio na pod, nanoseći im tako tjelesni i duševni bol,

2. Dana 28.4.1992.g. u večernjim satima, nakon što je iz prostorije doma JNA gdje je bio zatvoren dr [REDACTED] doveden u prostorije Osnovne škole u mjestu Zelenika, općina Derventa, podstrekao druge pripadnike HVO na nanošenje snažnog tjelesnog i duševnog bola i to tako što je nezadovoljan odgovorima koje je tražio od [REDACTED] u više navrata, rukom davao znak nepoznatim pripadnicima HVO da ga tuku, što su ovi i uradili, tako što su ga tukli rukama i nogama u vremenskom trajanju od više od jedan sat, dok mu je jedan od njih uskim bodežom prelazio preko vrata, a zatim uperio pištolj nepoznate marke u njegovu glavu, povlačeći obarač nekoliko puta-trv. Ruski rulet, pa kada se s tim nije zadovoljio, iz pištolja marke „Zagi“, ispalio jedan hitac u predjelu pored njegovih nogu, uslijed čega je oštećeni [REDACTED] pretrpio fizičke i psihičke patnje, strah i povrede tjelesnog integriteta,

3. Dana 7. maja 1992.g u prostoriji Doma JNA u Derventi gdje je bio zatvoren [REDACTED] kojem je u ruke dao dvije svijeće koje su bile upaljene i rekao „ ako se ove svijeće ugase, ugasiće se i tvoj život“ a zatim ga je počeo udarati stisnutim pesnicama u predjelu glave, grudi i stomaka, pa kada ga je drškom od noža udario u predjelu glave od kojih udaraca je pao na pod gdje ga je nastavio tući zamahnutom nogom obućenom u vojničke čizme a potom ga, dok je još ležao na podu, rukama snažno uhvatilo i stegao oko vrata, gubeći svijest, što je sve za posljedicu imalo fizičke i psihičke boli i patnje,

4. Dana 9. maja 1992.g. ili približno tog datuma, zajedno sa dvojicom ili trojicom nepoznatih pripadnika HVO, u prostoriji Osnovne škole u mjestu Zelenika, općina Derventa, namjerno nanosio fizičku i psihičku bol [REDACTED] na način što je u toku njegovog ispitivanja od strane osobe

koja mu se predstavila kao službena osoba iz Slavonskog Broda, u trenutku kada je bio nezadovoljan njegovom reakcijom na jedno od postavljenih pitanja, istoga počeo snažno udarati nogama i rukama, u čemu su mu se pridružili i ostali prisutni pripadnici HVO-a.

5. U drugoj polovini maja mjeseca ili početkom juna mjeseca 1992.g. u tzv. hangaru „Rabić“, općina Derventa u kome se nalazilo više zatvorenih lica srpske nacionalnosti, među kojima su bili [REDACTED]

[REDACTED] iste tukao rukama i nogama, a naročito [REDACTED] kojeg je udarao palicom i kundakom puške u predjelu glave i ramena, a kada bi padao, šutao bi ga nogom, nanijevši mu povrede tjelesnog integriteta i snažan tjelesni i duševni bol.

6. U drugoj polovini juna mjeseca 1992.g. u Osnovnoj školi u mjestu Zelenika, općina Derventa, gdje je iz hangara „Rabić“ doveden zarobljeni [REDACTED], u toku njegovog ispitivanja, rukom dao znak jednom pripadniku HVO-a da tuče [REDACTED] što je ovaj i uradio, nanijevši mu fizičke i psihičke patnje i povrede tjelesnog integriteta

Dakle, kršeći pravila međunarodnog prava za vrijeme rata ili oružanog sukoba namjerno nanosio snažni tjelesni i duševni bol i patnje kao i povrede tjelesnog integriteta i zdravlja te poticao druge na izvršenje istih

Čime je počinio:

Krivično djelo Ratni zločin protiv civilnog stanovništva iz člana 173. stav 1. tačka c) Krivičnog Zakona BiH, u vezi sa članom 29.30. i čl. 180. stav 1. istog Zakona.

Stoga

PREDLAŽEM

1. Da se pozovu :

- tužitelj

- osumnjičeni Ivica Perković i njegov branitelj Krešimir Zubak i Dražen Zubak, odvjetnici iz Sarajeva